

Buria Lahabaari (The Christmas Story)

Saha daa ti paai ni Naawuni paali alikooli seeli ŋon daa laa ni Ibrahim ni u biisi la.

U daa laa alikooli ni u nin tum Tulgira dunia wa ni na.

Di saha ka Naawuni tum U malaika pɔ'asari sɔa saani.

Pɔ'a maa yuuri booni la Mariama.

Malaika maa daa yel' u ni u ni do'ai bidibga ka puri U yuuri Yisa (Yisa gbinni nyela Tulgira).

Di daa niŋ'a Mariama lahazibu pam dama u na zi doo.

Ka malaika maa daa lan yeli Mariama ni Naawuni Sii' Kasi n-ya zaŋ' Bii maa n-niŋi u do'am ni.

Mariama daa niŋ yeda ni Naawuni mari yiiko.

Dinzugu u daa deai malaika yeligu maa.

Tɔ! Mariama niriba daa pun laa niya ni ba zaŋ u n-ti doo sɔa ka u yuuri booni Yisifu.

Dabsa beela ka Yisifu daa nya ka Mariama mari puuwa.

Di daa gyari u ka mugsu u pam dama ŋon piili Mariama la'abu u na zi n-dooni u.

U mun daa na bu pun puusi u niriba n-naai.

Di saha ka Naawuni malaika kyaŋŋi Yisifu saani n-ti tɔ'asi n-ti u.

U daa yeli Yisifu ni di nye suŋŋa u yi zaŋŋi Mariama n-leebe u pɔ'a.

U daa lan yeli u ni Mariama ŋon mari puu seaa la, Naawuni Sii' Kasi n-zaŋ Bii maa n-niŋi u ni.

Yisifu sufu daa labi n-dooni ka u kyaŋŋi n-ti puusi Mariama niriba ka zaŋŋi u n'leebe u pɔ'a.

Saha daa ti paai ka Yisifu ni u pɔ'a maa labi Bethlehem ni ba ti yɔa lamppo.

Ba daa kuri paai la tiŋi maa ni ka Mariama di do'ai.

Hali duu daa ka beni ka ba nin kpe, dama saamma n-daa paali tiŋi maa zaa.

Dinzugu Mariama daa do'ai Bii maa ka zaŋŋi u m-pa la bunkɔbri moori zugu.

U daa puri Bii maa yuuri Yisa.

Malaikadima daa kyaŋŋiya n-ti yeli peaguriba din niŋi Bethlehem tingbanŋ'ni.

Peaguriba maa daa kyaŋŋiya n-ti nya Bii maa ka ba suhuri maaya.

Ba daa ban'ya ni Naawuni mari la daliiri gahimni Bii maa beebu ni.

Baŋ'niba ban karimni saŋmariwuusi m-baŋŋi ni din niŋi na daa nye Bii maa
saŋmariwuusi sangbana ni.
Ba tiŋŋa maa daa wa'a pam ni Bethlehem.
Amaa ban daa nye saŋmariwuuwa maa ka ka neaai pam zugu ba daa baŋ' ya ni
bunseeli n-niŋi luginseaa.
Dinzugu ba daa doai ya n-dɔli saŋmariwuuwa maa n-kyanna.
Ba daa dɔli ka ni halli n-ti paai Bethlehem, ban daa do'ai Yisa seeli maa.
Ka ba kpɛa m-puusi U ba ni ba piini.
Ba piini maa daa wulsi ya ni U ti ya leebi la Dunia naaba.
Ba daa gbaani n-gyeemi U.
Ka yeli Yisifu ni U poa ban daa nya saŋmariwuusi maa ka dɔli ka seem halli n-ti paai ba
saani na.
Ka lan yeli ba ni saŋmariwuuwa maa wulsi ya ni Bii maa ti ya leebi la naaba
dahinseaa.
Naawuni daa teaai Bii maa ka Uzuai ni yiiko.